



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Hermanni Conringii De Pace Civili Inter Imperii Ordines
Religione Dissidentes Perpetuo Conservanda Libri Duo**

Conring, Hermann

Francofurti ; Lipsiae ; Wittebergae, 1680

Text

urn:nbn:de:hbz:466:1-9585

INNOCENTIUS

PAPA DECIMUS.

Ad perpetuam rei memoriam.

NELO Domus Dei animum nostrum assidue commovente, in eam præcipue curam sedulo incumbimus, ut Orthodoxæ Fidei integritas, ac Ecclesiæ Catholicæ dignitas & auctoritas, ubique facta tecta conservetur; neve eorum, qui quærunt sua potius quam quæ Dei sunt, facto, jura Ecclesiastica, quorum Assertores à Domino constituti sumus, aliquod detrimentum accipiant, nosque supremo judici rationem villicationis nostræ reddituri, negligentia in credita Nobis administratione arguamur.

Sane cum intimo doloris sensu accepimus, quod per plures annos Osnabrugis die 6. Augusti A. 1648 inter charissimum in Christo filium nostrum Ferdinandum Romanorum Regem & Imperatorem electum cum suis Fœderatis & Adhærentibus ex una, ac Suecos cum eorum itidem Fœderatis & Adhærentibus ex altera, nec non alterius Pacis Monasterii Westphal. die 24. Octobris ejusdem A. 48. inter eundem Ferdinandum Romanorum Regem & Imperatorem electum cum suis pariter fœderatis & adhærentibus ex una, atque charissimum etiam in Christo filium nostrum Ludovicum Francorum Regem Christianissimum cum suis similiter fœderatis ex altera partibus, respective initarum, Articulos, gravissima Religioni Catholicæ, divino cultui, Sedi Apostolicæ, & Romanæ ac inferioribus ecclesiis, Ordiniq; ecclesiastico, ac Jurisdictionibus, Auctoritatibus, Immunitatibus, libertatibus, exemptionibus, privilegiis, pactis, turnis, ac juribus illorum illata fuerunt præjudicia.

Aaa

Etenim

Etenim pactionibus partim utriusque, partim alterius pacis hujusmodi, inter alia, Bona ecclesiastica aliaque ab hæreticis occupata illis eorumque successoribus in perpetuum addicuntur; Hæreticis Augustanæ, ut vocant, confessionis liberum suæ hæreseos exercitium in plerisque locis permittitur, & locorum pro ædificandis ad hunc effectum templis assignatio permittitur; ipsique cum Catholicis ad publica munia & officia, ac ad nonnullos Archiepiscopatus, aliasque dignitates, & beneficia ecclesiastica, Precumque primariarum Ferdinando in Imperatorem electo à præfata Sede Apostolica concessarum participationem admittuntur; Annatæ, Jura Pallii, Confirmationes, Menses Papales, & hujusmodi Jura ac Reservationes, in bonis Ecclesiasticis dictæ Confessionis Augustanæ excluduntur; Confirmationes electionum, seu postulationum prætenforum Archiepiscoporum, Episcoporum, aut Prælatorum ejusdem confessionis, potestati seculari attribuuntur; plures Archiepiscopatus, Episcopatus, Monasteria, Præposituræ, Balliviæ, Commendæ, Canoniciatus, & alia beneficia & bona ecclesiastica, principibus hæreticis eorumque hæredibus, etiam sublata denominatione ecclesiastica, in feudum perpetuum sub dignitatis secularis titulo conceduntur; Contra pacem hujusmodi ullumve ejus articulum, nulla jura canonica vel civilia, communia, specialia, Conciliorum decreta, Religiosorum ordinum regulas, juramenta, aut Concordata cum Romanis Pontificibus, ullave alia statuta sive politica sive ecclesiastica, decreta, dispensationes, absolutiones, aut alias exceptiones, allegari, audiri vel admitti debere, disponitur; Numerus septem Electorum Imperii, olim Apostolica auctoritate præfinitus, sine nostro & Sedis præfatae beneplacito augetur, & octavus Electoratus in favorem Caroli Ludovici Comitis Palatini Rheni hæretici instituitur; aliaque multa, quæ pudet referre, orthodoxæ religioni, Se-
diqve

dique præfatæ, ac Romanæ & inferioribus Ecclesiis, cæterisque præmissis, summopere præjudicialia & damnosa, decernuntur.

Et quamvis venerabilis frater Episcopus Neritonensis, noster & Sedis præfatæ ad Tractum Rheni & inferiores Germaniæ partes Nuncius extraordinarius, in executionem mandatorum nostrorum, fuerit palàm nostro & ejusdem Sedis Apostolicæ nomine protestatus: ejusmodi articulos esse irritos, nullos, iniquos, ac per non habentes potestatem temere contractos, atque pro talibus ab omnibus habendos; ac notissimi juris sit, quamcumque transactionem, seu pactionem, in rebus ecclesiasticis, sine præfatæ Sedis autoritate factam, nullam nulliusque roboris & momenti existere; Attamen quo efficacius præmissorum indemnitati consultum sit, pro commissi nobis ex alto Pastoralis officii debito, providere volentes, ac Instrumentorum utriusque Pacis hujusmodi, omniumq; in illis contentorum, cæterorumque hîc etiã necessario exprimendorum & inferendorum, tenores etiam veriores, & datas, ac si de verbo ad verbum infererentur, præsentibus pro plene & sufficienter expressis & insertis habentes; Motu proprio, ac ex certa scientia, & matura deliberatione nostris, deque Apostolicæ potestatis plenitudine, prædictos alterius seu utriusque Pacis hujusmodi articulos, cæteraq; in dictis Instrumentis contenta, quæ Catholicæ Religioni, divino cultui, animarum saluti, eidem Sedi Apostolicæ Romanæ & inferioribus ecclesiis, ac ordini & statui ecclesiastico, illorumque personis, membris, rebus, bonis, jurisdictionibus, autoritatibus, immunitatibus, libertatibus, privilegiis, prærogativis, & juribus quibuscunq; quomodolibet officiant, seu præjudicium etiam minimum afferunt, aut inferre, seu intulisse, & aliàs nocere, aut nocuisse, quoquomodo dici, intelligi, prætendi, vel causari possunt, cum omnibus inde secutis & quomodocunq; sequendis;

ipso jure nulla, irrita, invalida, injusta, damnata, reprobata, inania, viribusq; & effectu vana, omnino fuisse, esse, & in perpetuo fore: neminemq; ad illorum, & cujuslibet eorum, etiam si juramento vallata sint, observantiam teneri: neq; ex illis cuiquam aliquod jus, vel actionem, aut titulum coloratum, vel causam præscribendi, etiam si longissimi & immemorabilis temporis possessio, etiam citra ullam interpellationem seu interruptionem, subsequatur, acquisitum fuisse, nec esse, minusve ullo tempore acquiri & competere posse: neque illa ullum statum facere vel fecisse: atque perinde ac si nunquam emanassent, pro non existentibus & non factis perpetuo haberi debere: tenore earundem præsentium, decernimus, vel declaramus.

Et nihilominus ad abundantio rem cautelam, & quatenus opus sit, articulos præfatos, aliaq; præmissa, ut præferatur, præjudicialia, motu, scientia, & deliberatione, & potestatis plenitudine, penitus damnamus, reprobamus, nullamus, cassamus, annullamus, viribusq; & effectu vacuumus; & contra illa, deque eorum nullitate, coram Deo protestamur. Et quatenus itidem opus sit, easdem, Sedem Apostolicam Romanamque, & inferiores ecclesias, ac quælibet loca pia, & quascunque personas Ecclesiasticas, adversus illa, in integrum ac pristinum, etiam in quo ante prædictam & quascunque alias assertas seu prætenfas anteriores transactiones, pactiones, seu conventiones circa præmissa, ubicunq; & quomodocunq; factas, erant, statum restituimus, reponimus, ac plenarie redintegramus.

Præsentibus quoq; literas cum omnibus & singulis in iis contentis, etiam ex eo quod præfati, & quicunq; alii, etiam speciali mentione & expressione digni, & in præmissis seu eorum aliquo interesse habentes, seu habere quomodolibet prætendentes, illis nullatenus consenserint; nec ad ea vocati, citati, vel auditi, minusque causæ propter quas eadem præsentibus emanarent, deductæ, verificatæ, seu alias
suffi-

sufficienter, aut etiam ullo modo justificatæ fuerint; nullo unquam tempore de subreptionis, obreptionis, nullitatis, aut invaliditatis vitio, seu intentionis nostræ, aut alio quovis, quantumlibet magno, inexcogitato, & substantiali defectu, aut ex quovis alio capite, à jure, vel facto, aut statuto, vel consuetudine resultante, aut ex quocunque alio colore, prætextu, causa, & occasione, moveri, impugnari, invalidari, retractari, in jus vel controversiam revocari, aut in terminos juris reduci posse; sed easdem præsentés semper validas, firmas, & efficaces existere, suosq; plenarios & integros effectus sortiri & obtinere: Ac ab omnibus & singulis, ad quos spectat & spectabit, quomodolibet in futurum in violabiliter observari; Sicque & non aliter, in præmissis omnibus & singulis, per quoscunque judices ordinarios & delegatos, etiam Palatii Apostolici auditores, nec non S. R. E. Cardinales, etiam de Latere Legatos, ac ejusdem sedis Nuncios, & quosvis alios quacunq; autoritate fungentes, nunc & pro tempore existentes, sublata eis & eorum cuilibet quavis aliter judicandi declarandi & interpretandi facultate & autoritate, semper & ubiq; judicari & definiri debere, ac irritum & inane, quidquid fecus super his à quoquam quavis autoritate scienter vel ignoranter contigerit attentari, decernimus.

Non obstantibus præmissis, ac quibusvis constitutionibus & ordinationibus Apostolicis, tam generalibus quam specialibus, etiam in Comitibus universalibus editis, & quatenus opus sit, nostra & Cancellariæ Apost. regula de non tollendo jure quæsito, & constitutione fel. record. Pii Papæ quinti Prædecessoris nostri de gratiis quaecunq; interesse Camere Apost. concernentibus intra certum tunc expressum tempus in eadem Camera præsentandis & registrandis, ita ut præsentés nullo unquam tempore in eadem Camera præsentari seu registrari necesse sit; legibus quoq; Imperialibus & municipalibus; nec non quibusvis,

etiam juramento, confirmatione Apostolica, vel quavis firmitate alia roboratis statutis, usibus, & consuetudinibus etiam immemorabilibus; Privilegiis quoque, indultis, concessionibus, & litteris Apostolicis, quibuscunque locis, & personis, etiam Imperiali, regali, & alia quavis five Ecclesiastica five mundana dignitate fulgentibus, & aliàs quomodolibet qualificatis, ac specialem expressionem requirentibus; etiam motu, scientia, deliberatione, & potestatis plenitudine; similibus etiam consistorialiter, sub quibuscunque tenoribus & formis, ac cum quibusvis etiam derogatoriis derogatoriis, aliisque efficacioribus & insolitis clausulis, & decretis etiam irritantibus, & aliòs quomodolibet in contrarium præmissorum concessis, editis, factis, ac pluries & iteratis vicibus confirmatis, approbatis, & innovatis.

Quibus omnibus & singulis, etiamsi pro sufficienti illorum derogatione, de illis eorumque totis tenoribus, specialis, specifica, individua, ac de verbo ad verbum, non autem per clausulas generales idem importantes, mentio seu quavis alia expressè facienda, aut alia exquisita forma ad hoc servanda foret, tenores huiusmodi, ac si de verbo ad verbum inserti essent præsentibus, pro plene & sufficienter expressis & insertis, formamque in illis traditam pro servata habentes, ad præmissarum effectum, specialiter & expresse derogamus, ac derogatum esse volumus, cæterisque contrariis quibuscunque.

Volumus autem, ut earundem præsentium transumptis, etiam impressis, manu Notarii publici subscriptis, & Sigillo personæ in dignitate ecclesiastica constitutæ munitis, eadem prorsus fides ubique locorum & gentium, in iudicio & extra illud, adhibeatur, quæ ipsis præsentibus adhiberetur, si forent exhibitæ vel ostensæ.

Datum Romæ apud Sanctam Mariam majorem, sub annulo Piscatoris, die xxvi Novembr. & solenniter ibidem publicatum 3. Januarij. Anno M DC LI Pontificatus Nostri octavo.

M. A. Maraldus.